

Uunga siunnersuut: Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2019-imeersoq

(Aningaasaqarnermut Nunanilu Avannarlerni suleqatigiinnermut Naalakkersuisoq)

Saqqummiussissut

(Aningaasaqarnermut Nunanilu Avannarlerni suleqatigiinnermut Naalakkersuisoq)

Siullermeerinnineq

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata allanngortinneqarneranik Inatsisartut inatsisissaattut siunnersuut Naalakkersuisut sinnerlugit matumuuna saqqummiuppara.

Siunnersuut inatsimmut allannguutininik marlunnik imaqarpoq, taakku tamarmik maannakkorpiaq aningaasarsiat nalunaarsorneqarnerannit aningaasarsiasat ilaasa ilanngunneqartannginnissaannik aalajangersaassallutik. Tamatumani pineqarput aningaasarsiat Politiit Isertortumik Paasiniaasartuinit tunniunneqartartut aammalu ilaqtariinnut paarsisartunut il.il. aningaasarsiarititat.

Politiit Isertortumik Paasiniaasartui pillugit inatsisip ataatsimiinnermi matumani aamma oqaluuserisassanut ilaasup atuutsinneqalernerata ilagisaatut aningaasarsiat Politiit Isertortumik Paasiniaasartuinit tunniunneqartut maannakkorpiaq aningaasarsianik nalunaarsuinermi ilanngunneqartarunnaassapput. Peqqussut Kalaallit Nunaannut atuutsinneqalissappat inuit Politiit Isertortumik Paasiniaasartunit aningaasarsiaqartinneqartut maannakkorpiaq aningaasarsiat pillugit malittarisassat naapertorlugit kinaassusiannik isumannaatsuunissaannillu qulakkeeriviginissaat aamma pissusissamisussaaq.

Tamatuma saniatigut ilaqtariinnut paarsisartunut, oqilisaassisartunut tassanngaannartumilluunniit paarsisartunut aningaasarsiarititat tunniunneqartartut ilaatinnginneqarnerat aningaasanut inatsimmi konto pingarnermut 30.10.32-mut, *Meeqqanut tapiissutinut* tunngasumut nassuiaatinit Inatsisartut inatsisaannut nuunneqarpoq. Taama nuussineq pivoq inatsimmi suliaasaqarfimmut maleruagassiisumi ilaatinneqanngitsunut maleruagassat ataatsimoortinnissaat pillugu. Innuttaasut taama aningaasarsiaqartinneqartut isumagininnikkut ikiorsiissuteqarunik, soorlu ineqarnermut tapiissutit pissarsiarisartagaasa annikillisinneqannginnissaat aalajangersakkakut qulakkeerneqassaaq, tamannami inatsisikkut siunertarineqanngimmat.

Inatsilerinikkut pitsaasumik periuseqarnissaq, taamaalillunilu innuttaasumut paasiuminarsaanissaq inatsisissatut siunnersuutikkut qulakkeerneqassaaq.

Naggataatigut inatsisissatut siunnersuut tassungalu nassuiaatit innersuussutigaa.

Taama oqaaseqarlunga Naalackersuisut sinnerlugit inatsisissatut siunnersuut Inatsisartunut oqaluuserisassanngortippara.